



**Mittelländischer
Schwingerverband**

Jahresbericht 2019

des Präsidenten vom Mittell. Schwingerverband

Wärti schwingerfamiliä

Äs isch ersch grad gsi das ig hiä vo öich aus nachfouger vom Wauther Markus aus nöiä Präsident bi gwäut wordä. Ja wo ig du zersch mau ha gseh was dr Märku eifach aubä so aus het erlediget wo mir gar nid hei gseh, si du mir schono chlei d Ougä ufgangä u du scho bau o di afauendi Arbeit!

I bi bis itz no ke minutä reuig das ig das ha gmacht u äs git o sehr viu schöni Sachä u Anektödeli wo mir sicher no lang in Erinnerung blibä.

So zum Bispiu üsi ersti sitzig im Nöiä Vorstang, Nei äs isch nid dr Vorstang oder dr Präsident z Problem gsi o nid dr Sitzigsort im Jodlerspycher z Riffämatt, nei dr Herrgot hets a säubem Abä eifach viu z Guet gmeint mit Schneiä u somit het dr Stub Chrigu mit sim Subaru äs paar Taxifahrtä müessä erledigä das au si a d Sitzig cho. A säubem Abä si mir du o no grad Gascht gsi, zumä nä Znacht, zämä mit dr Schriftakommission vo üserä Jubiläumsschrift bim jodudoppuquartett Eduwiss Bärn, a derä steu nomau äs härzlächs Dankäschön!

Schön aber du würkläch schön isches witer gangä mit dr Eidg. Abgeotnetäversammlig z Meiringä. Am Abä bi dä ehrigä hei doch grad zwe vor glichä Familiä dörfä gehrt wärdä, Dr Markus Walther aus Ehrämigliid ESV u dr Adrian Walther aus Sieger vom Eidg Jungschwingerntag z Landquart. Ihnä a därä steu nomau Härzlächli Gratulation.

Leider si du o scho bau di weniger schönä Nachrichtä zu mir cho:

Am 12. Aprilu het üs dr **Hans Jörg Hubacher** für immer Verla. Ds Ehrämigliid u Spänder vo üsem Ehrwürdigä **Biud dr Schmid Güschtu** isch im Auter vo 95 Järig gstorbä. Das Biud het itz übrigens umä ä wunderbarä Platz im nöiä Saau z Habstettä ir Lingä.

Witer si o üser Vetrenerä **Zbindä Fritz, Wenger Fritz, Röthlisberger Hansruedi** u üsä Fotograf dr Hirter Armin für immer vo üs gangä. Ihnä Familiä u dä Aghörigä wünschä ig viu Chraft u Zuäversicht für di schwärä Stungä.

Zu Ehrä vo üsnä Verstorbenä Kameradä bittä ig öich churz näch vo dä Sitzä z Erhebä.

I gedankä a si, Singä üs d Härztön ds Lied

D Lüt im Dorf vom Kurt Mumenthaler

Chli freudigeri Themenä si we mir zrugg dänkä a di Vergangeni Schwingersaison. Het doch scho zum Uftakt vor Hauäsaison z Bolligen dr Verbanddseignig Wigeth Michu gwunnä. Im schlusgang het dr Michu zwar verlorä gägä üsä Lokaumathador Willu graber aber si Vorsprung isch so gross gsi das är glich het gwunnä. As isch fasch glich witer gangä du o ir Offäsaison sigs wiä im Verbandsläbä oder o schwingerisch! Am Friburgerkantonälä z Heiteried hets am morgä Schnee gha uf dä schwingplätz, auso Schnee grad wi a üser erstä Sitzig aber o ä Ko Sieger vom Mittelland dr Rolli Tinu cha si erscht Chranzfeschtsieg fiirä nachämä verloränä Schlusgang gägä Gapany Benjamin isch är aber glich no Punktgleich mit Benjamin ufem erschtä Platz gsi.

A derä Steu härzlächi Gratulation!

Witer itz aber ohni Schnee u leider o nid mit em Sieger usem Mittelland isches Z Neuenegg a üsem Verbandsfescht gangä. Bi wunderbarem Wätter supper Schwingsport ohni di ganz grossä Nämä aber mit sehr viu Zuäkunftsschwinger hei mir äs sehr guets u schöns Schwingfescht dörfä erläbä. Dr Höhäpunkt für mi heimatklub Laupen isch sicher d Schlusgangteilnahm vom Wigi gsi, i gloubä äs het paar blau Tümü Gä vor drückä aber leider hets nid ganz glängt u är het dr Schlusgang gägä Kempf Bernhard verlorä. Nid desto trotz isch si leichtig grossartig gsi het är doch während 4 Jahr fasch nüt chönnä Schwingä wägä Verletzigä u het ä setigä saisonstart chönnä härä legä! Nomau härzlächi Gratulation a di Michu u ä gwautigä Dank ads OK vo Neuenegg für ihri Organisation. **Merci Viu mau!**

Schwingerisch ischs im Verbandgebiet di Ganz Saison gloubeni Ganz guet Gangä aber zu dä Details seit de dr Hadorn Hanspeter sicher no meh!

Glich erwännä tuä ig no di zwe Saisonhöhepunktä nämlich ds kantonälä ds münsingä u ds eidgenössischä z Zug

Am Kantonälä z Münsingä hei mir äbäfaus äs supper Organisiertes Fescht dörfä erläbä mit hochstehendem schwingsport umä nä Sieger wo no nid Eidgenoss isch gsi aber scho lang ä so het gschwungä nählich dr Aeschbacher Matthias. Am OK a derä steu ganz as härzlechs Dankäs Schön für öii Arbeit u das wunderbarä Fescht.

Nach 14 Tag rätslä wär u wiä äch am eidgenössischä z Zug gägänang schwingt, wär gwinnt u wär verliert u welär das ach i d Chränz chömä isches losgangä
Am Samschtig am morgä 24.Ouguscht 8.00 uhr hets du gheissä **Mannä id Hosä!**
Ja di sportler hei gliferet, au zämä mit supper spannendem u agrifigem schwingsport u mit dr bi si o üser 9 Mannä gsi Grber Willyu, Wigeth Michu, Staudenmann Fabian, Berger Lorenz, Walther Adrian, Thomet Adrian, Schwander Severin, Rolli Tinu, Marti Stefu u aus Ersatz dr Binggeli Dominik aus 10. Ma.

Au denä wet ig ganz härzläch Gratulierä für ihri leischtig!

ganz Bsungersch aber no

Am Willu zum 5. Eidg. Eicheloub am Fäbu u Michu zum erschtä Eidg. Chranz!

Ja äs isch u blibt i beschter Erinnerig das Zug es isch as schwingfescht gsi mit Spannig pur umä nä Sieger wo mä no nid mängisch ä so het gseh schwingä nämlich dr Chrigu Stucki wo imä gwauts Zug dr Wicki Joel het überwäutiget u ihm o grad dr Titu abschwungä het zum König!

Itz isches Verbi das erschtä Verbandsjahr, Schwingerisch u Verbandstechnisches us mirä Sicht sehr erfougrich gsi u drum wet ig

Zum Schluss no „**Danke säge**“ au dene, wo für üse Verbang viu Zyt u Engagement inveschiere:

- Vorab mine Vorstandskamerade mit dr Sandra, si hei mi tatchräftig ungerstütz u ghofä dass das Verbandläbä o i gordnätä Bahnä isch witer gangä. Mersi viu mau für d Ungerstützig!
- Danke aune Aktiv- u Jungschwinger für iri attraktive Zwöikämpf
- Merci dä Schwingklub-Vorstäng mit irne Mitglieder de Speaker, de Presselüt u em Fähnrich
- Merci de Yteiligs- u Platzkampfrichter ohni si würds nählich kener Schwingfescht gä!
- Merci aune OK-Lüt u Häufer vo Schwingfescht u Aaläss i üsem Verbandsgebiet
- Merci dr Veterane-Obmannschaft für öii Arbeit
- U o e grosse Dank natürlech aune Gabespänder u Sponsore

Merci öich aune für ds zuelose!

eue Presidänt

Fankhauser Simon